



# Synfocity = 953

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

September 5, 2024

## ❑ Synod Finance Committee vawi 150-na

September 4, 2024 (Nilaini) chawhma dar 10:00 khan J.M. Lloyd Hall, Synod Office-ah Synod Finance Committee chu a vawi 150 nan an th̄u a. Meeting hi Rev. R. Vanlalngbaka, Synod Moderator-in a kaihruai a, Rev. V.L. Luaia Hranleh, Finance Officer hnen aṅgingin report ngaihthlak a ni.

Report-ah hian kum 2023-2024 tangka kum chhunga Pathian ram thawhlawma hma kan sawn avanga lawmthu sawina leh thahnem ngai zel tura ngenna Bial leh kohhran tinah thawn chhuah a nih thu te, Kum 2023-2024 chhunga Synod sumte chu Audit zawh fel a nih tawh thu te, Synod Office Accounting software thar Tally Prime 4.0 hman ṅan a nih thu te, meeting inkarah Finance Campaign leh Accounts Training hmun ngaah neih a nih thute leh report dangte ngaihthlak a ni.

Meeting-ah hian thu ngaihtuah ho tur chhawp chhuah eng emaw zat a awm a. Chung zingah chuan Silchar Mission Compound-a Zairema Hall sak mek sum dil belh thu te, Synod sum Internal Audit kal phung en that chungchanga rawtna te, Budget siam dan Kaihhruaina en ho te, Mizoram Presbyterian Kohhran hnuai Department leh Mission Field-te tana Bank Account hawn zir chianna thu te a tel a ni.

## ❑ Praise On 2024 hlanna inkhawm neih a ni

Synfo leh Central KṚP ṅangkawpin an buatsaih Praise On 2024 Mal zai Intihsiak chu September 3, 2024 (Thawhlejni) zan dar 8:30 khan Pathian hnena hlanna inkhawm, Upper Republic Kohhran Hall-ah neih a ni.

Hlanna inkhawm hi Host NI. C. Lalawmpuii'n kaihruaiin Central KṚP Leader Rev. Dr. Rosiamliana Tochhawng-in hunserh a hmang a, Organizing Secretary T.Upa T.C. Lalremsiama'n inhmelhriattirna neiin report a pe a. Synod Moderator Rev. R. Vanlalngbaka'n Praise On 2024 Mal zai intihsiak neih tur chu ṅawngṅaiin Pathian hnenah a hlan a ni. He hunah hian Mizoram Synod Choir te an zai a, Organising Chairman Pu John Lalhruiatluanga'n lawmthu sawiin Rev. P.B. Mankima, Synod Secretary-in malsawmnain inkhawm a ṅin a ni.

September 5-6 chhung hian Champhai Venglai Kohhranah Audition hmasa ber neih a ni dawn a. Hemi hunah hian Judge-te - Upa F. Lalthanmawia leh NI. R. Lalrinmawii, Guest Judge - Tv. H. Lalthazuala te bakah Synfo Co-ordinator, Pu John Lalhruiatluanga; Synfo Staff-te - Pu Peter Lalanpuia, Pu H. Lalṅanpuia, Pu David Lalruattluanga, Tv. Vanlaldampuia leh Tv. Zochhuana te an kal.

Audition hi September 10-ah New Serchhip Kohhranah, September 14-ah Kolasib Hmarveng Kohhranah leh September 21-ah Lunglei Bazar Veng Kohhranah te neih a ni ang a, Aizawl Audition hi September 25-28 chhungin Tuikual Kohhranah neih a ni ang. Tun ṅum Praise On 2024 mal zai intihsiaika tel tur hian hming pe 343 an awm a ni.

## ❑ Beihruai thla

Pathian kaihhruainain Kohhran hoten kum 2024 Beihruai thla kan lo thleng leh ta a, Beihruai programme hi September 1 aṅanga hmang ṅanin September 1-8 chhung hian 'Beihruai hawnna leh Ramthar Hapta' hman a ni ang a, September 23- 30 chhung hian 'Kristian Chhungkaw Hapta leh Beihruai kharna' hman a ni ang. September 29-ah 'Nu leh Pa Ni leh Kristian Chhungkaw Ni' hman a ni baw ang. Beihruai chhung hian Ramthar Hapta leh Kristian Chhungkaw Hapta bakah Kohhran hruiatu hmasa leh rawngbawltu ṅhenkhat chanchin kan zir ho dawn a ni.

Beihruai hi kum 1918 June thla aṅanga hman ṅan a ni a, kum 1925 aṅgingin September thlaah neih ṅhin a ni a, kum 1947 aṅgingin Nilai Zan Thupui Bu leh Beihruai Thupui hi bu khata siam ṅan niin kumin hi Beihruai kan hman kum 106-na a ni.

## ❑ SL&PB

August 31, 2024 (Inrinni) khan Luangmual Kohhranah Mizo ṅawng hman dik chungchang zir ho a ni a, hemi hun hmanpui hian SL&PB aṅgingin Asst. Editor-te, Pi Rinsailovi leh Pu Zohmangaiha an kal.

☐ **Naupang Sunday School Inkhawmpui**

September 8 (Pathianni) hi Naupang Sunday School Inkhawmpui ni a ni a, Presbyterian Kohhran hnuai Bial hrang hrangah Naupang Inkhawmpui hi hman a ni ang. Naupang Inkhawmpuih hian Pathian thu, hla leh thu inchnang hmangin inelna neih a ni ang a. Heng bakah hian naupangten item hrang hrang a remchan dan angin an nei bawk ang. Naupang Inkhawmpui hi Bial tam zawk chuan intihsiakna atan an hmang a, Bial thenkhat erawh chuan intihsiak lovin an hmang thung.

Naupang Inkhawmpui hi a tirah chuan Missionary-te thahnemngaihna avanga neih tan a ni a. Kum 1931 khan Aizawl Tlangnuam Kohhranah neih a ni a, hei hi Naupang Inkhawmpui hmasa ber nia hriat a ni.

Tunhma lam chuan Naupang Inkhawmpui hi Bial hrang hrangin an remchan hunah an nei mai thin a, tun hnai deuh atang khan Bial tinte kan kal rual theih nan MSSU chuan Sunday School Zirlai Syllabus-ah Naupang leh Senior Inkhawmpui hun tur an ruahman tel ve ta a ni. September Pathianni wavi 2-naah Beginner Department - Sacrament Department leh Pathianni wavi 3-naah Senior Department ten inkhawmpui an nei thin a ni.

2023 Sunday School inchniarnaa a lan danin MSSU dinhmun tlangpui chu hetiang hi a ni -

Hotute	-	4,820
Zirtirtu	-	53,228
Zirlai	-	4,11,484
<b>Belh khawm</b>	-	<b>4,69,532</b>

☐ **Prison Ministry**

September 1, 2024 (Pathianni) khan Synod Prison Ministry chuan Mizoram chhunga Jail hrang hrangah hun an hmang a. Central Jail-ah chuan chawhma inkhawmah Prison Welfare Committee General Secretary ni lai leh lo ni tawhten hun an hmang a. Chawhnu inkhawm hi Tv. Lalthansanga Sailo, Counsellor-in a kaihruai a, a wavi khat nan Mizoram Synod Choir-in zaia rawngbawlina hun an nei a, Pu C. Hmingthanauva, Director, Mizoram Synod Choir-in thuchah tawi a sawi a, Pro. Pastor Lalrinpuia Pachuau, Pukzing Bialin Pathian thuchah a sawi a ni.

September 1, 2024 (Pathianni) vek khan Central Jail Masihi Sangati lamah One Day Crusade neih a ni a. NI. Pumpua Gurung-in zaia rawngbawlina a nei a, Upa H. Lallungmuana, Counsellor, Prison Ministry-in a thu a sawi a ni. Central Women's Jail lamah pawh One Day Crusade neih a ni a, Prison inmate NI. Linda-i a zai a, Rev. Dr. H. Lalnunmawia, ATC-in thu a sawi.

Aizawl khawpui pawn lama District Jail hrang hrangah, Synod Prison Ministry Sub-Committee ruahman angin rawngbawlina neih a ni bawk.

☐ **Mizoram Christian College**

August 23, 2024 (Zirtawpni) khan Club Day an hmang a, Club hrang hrang - Cultural Club, Adventure Club, Art & Music Club, Literature Club leh Agripreneur Club ten anmahni Club theuh thiltum tihlawhtling turin activity hrang hrang an nei a ni.

Adventure Club chuan Adventure Training an neih bakah College tual zawlah Silai inkahsiak an buatsaih a, target kap fuhte hnenah lawmman an pe a. Art & Music Club chuan Session khatnaah Fine Art lam hawia hun hmangin, Mizoram Academy of Arts, Mission Veng chu a hmunah an tlawh. He hunah hian Artist, John Zochhuanawma, Bachelor of Fine Arts chuan lecture a pe a, club member zirlaiten practical tiin hun an hmang bawk. Session hnihna chu College lamah hmangin Lalremsanga, Bachelor of Music, University of Wolverhampton, United Kingdom, Resource Person-in 'General Music Knowledge' tih thu a sawi a ni. Agripreneur Club chuan College-ah Limbu sawr dan inzirtirin hun an hmang a, Limbu tui an sawr hi an hralh chhuak nghal bawk a ni.

☐ **Social Front**

September 8, 2024 (Pathianni) zanah Sairang Kohhranah 'Ram ngaw, Nungcha leh Tuihna humhalh' Awareness Campaign turin Dr. Lalbiakmawia Ngente a kal ang. Ani hi Synod Social Front-in Ram ngaw, Nungcha leh Tuihna humhalh Core group member a ni.

☐ **Synod Mission Board**

◆ **Nepal Mission Field**

August 31, 2024 (Inrinni) khan belhtu thar paruk an awm.

◆ **Karbi Anglong Mission Field**

August 31, 2024 (Inrinni) khan belhtu thar pakhat a awm a, September 1 (Pathianni) khan belhtu thar pasarih an awm bawk.

◆ **Arunachal & Assam Mission Field (West)**

September 1, 2024 (Pathianni) khan belhtu thar pakhat a awm.

◆ **Jhardkhand Mission Field**

September 1, 2024 (Pathianni) khan belhtu thar pahnih an awm.

◆ **Assam Mission Field**

September 1, 2024 (Pathianni) khan belhtu thar pakhat a awm.

◆ **Lucknow Mission Field**

September 1, 2024 (Pathianni) khan belhtu thar 11 an awm.

◆ **Calcutta Mission Field**

September 1, 2024 (Pathianni) khan belhtu thar pathum an awm.

◆ **Siliguri Mission Field**

September 1, 2024 (Pathianni) khan belhtu thar panga an awm.

◆ **Ramthar Campaign**

September 7-8, 2024 chung hian Tualcheng Kohhranah Ramthar Campaign nei turin Rev. R. Lalmingsanga, Secretary, Synod Mission Board leh Rev. K.C. Vanlalduha, Electric Veng te an kal ang.

□ **Synod Relief Fund**

Tun hnaia harsatna hrang hrang tawkte hnenah Synod Relief Fund aţangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Bungtlang Bazar Kohhran lungrem chim siam that nan			₹ 50,000/-
2.	Khamrang	In chhia	2	₹ 20,000/-
3.	Melthum	Damlo	2	₹ 20,000/-
4.	Zohmun	In chhia	1	₹ 15,000/-
5.	Kaisanary	In chhia	1	₹ 10,000/-
6.	Tuirial	Leimin tuar	1	₹ 10,000/-
7.	Vaitin	Damlo	1	₹ 10,000/-
8.	Dawrpui Vengthar	Leimin tuar	1	₹ 8,000/-
			<b>Belh khawm</b>	<b>₹ 1,43,000/-</b>

August thla chungha harsatna hrang hrang tawkte hnena Synod Relief Fund aţanga chhawmdawlina sem zat chu ₹ 7,11,000/- a ni.

□ **FM Zoawi - Aizawl & Lunglei : Hruaina Eng Radio Programme**

**September 06, 2024 (Zirtawpni) @ 7:30 p.m. :**

**Solo :** H. Lalremruati - Ka pel ang, **Zaipawl :** Armed Veng Bial Zaipawl - Nang muhil meng la harh rawh, **Thusawi :** T.Upa Lalruatsaka - Midangte tana nun, **Solo :** Nancy Zothanmawii - Ka chak loh apiangin, **Zaipawl :** Khatla Bial Zaipawl - Aw ka thlarau fak rawh

□ **Su Samachar Prasaran Programme :**

**September 08, 2024 (Pathianni) 5:30 pm. :**

**Group/Choir/Solo :** Hamren Pastorate Choir - Vang thu tha, **Group/Choir/Solo :** Fabiana Malsawmtluangi - Aye Khuda Paak Rooh, **Sermon :** Lalhruaitluanga - Isu Kaun hai, **Group/Choir/Solo :** Khatla South Female Voice - Shukrya, **Group/Choir/Solo :** Aizawl West Area Choir - Bharat Desh Mahan

□ **Hruaina Eng TV Programme**

<b>05.9.2024 (Ningani)</b>	8:30 pm	: Thupui zir bing
<b>06.9.2024 (Zirtawpni)</b>	5:00 pm	: Kristian Naupang Pual
<b>07.9.2024 (Inrinni)</b>	5:30 pm	: Puitling Sunday School Zirlai
<b>08.9.2024 (Pathianni)</b>	8:00 am	: Weekly round up
	5:30 pm	: Su Samachar Prasaran
<b>09.9.2024 (Thawhtanni)</b>	8:30 pm	: Hruaina Eng Luang chhuak

☐ **Moderator leh Executive Secretary-te Programme:**

**Rev. R. Vanlalngbaka : Moderator**

Sept. 7-8, 2024 Kohhran tlawh - Bungtlang Bial  
Sept. 13, 2024 Church Council Meeting - Lunglei

**Rev. C. Zoramawia : Senior Executive Secretary**

Sept. 9-11, 2024 Kohhran thil pawimawh buaipui - Delhi  
Sept. 12, 2024 Barak Area Committee  
Sept. 13, 2024 Church Council Meeting - Lunglei

**Rev. V.L. Luaia Hranleh : Executive Secretary**

Sept. 7-8, 2024 Pdeng Provisional Synod, Synod puitlinga hlankaina hun hmanpui  
Sept. 10, 2024 MSSU Executive Committee  
Sept. 12, 2024 John Williams Hospital Committee, Lunglei  
Sept. 13, 2024 Church Council Meeting, Lunglei  
Sept. 15, 2024 Senior Department inkhawmpui - Dawrpui Bial

**Rev. Dr. K. Lallawmzuala : Executive Secretary**

Sept. 9-20, 2024 Field Committee - Tripura, Assam leh Karbi Anglong

**SYNOD BOOKROOM LEHKHABU CHHUAKE THAR - SEPTEMBER, 2024**

1. Thuhritu Thlarau Mi Tehkhin Thu Bu 3-na: <i>Pastor Bena</i>	₹ 300/-
2. John Calvina Thlirna Tlang: <i>Rev. Lalnunluanga</i>	₹ 250/-
3. Frontline Sermon: <i>Rev. J.F. Lalropuia</i>	₹ 100/-
4. Suangtuahna Piah Lam: <i>Rinfela Zadeng</i>	₹ 300/-
5. Tunlai Khawvel Thlirna: <i>Vanneihthanga</i>	₹ 250/-
6. Kei Leh Keimaha Pathian Inpuanna-7: <i>C. Malsawma (Vala)</i>	₹ 200/-
7. I Fate An Him Em? : <i>Lalhmimgawii Rawihthe</i>	₹ 150/-
8. Ngaihawm Tawpthag Lawrkhawm: <i>Corporal Benjamin Biaknunzira Pachuau</i>	₹ 300/-
9. Mizoram Buai Leh Kawlphai Zofate: <i>K. Krawsthang</i>	₹ 200/-
10. Hnam Pasalthate Tual Lenna: <i>C. Vanlalpana</i>	₹ 250/-
11. Nunhlui Ngaihawm: <i>C. Laizawna</i>	₹ 100/-
12. T. Lalnunzama Hlate : <i>T. Lalnunzama</i>	₹ 250/-
13. Runlum Nuthai: <i>Capt. L.Z. Sailo</i>	₹ 300/-
14. Tualthihna Runthlak: <i>Lalrinkimi (Florence L.R. Ralte)</i>	₹ 200/-
15. Scientist Mi Ropuite leh Mizo Mi Chhuanawmte: <i>H. Lallenmawia</i>	₹ 300/-
16. Chhai Lai Di: <i>R.K. Lalhluna</i>	₹ 150/-
17. Spoken Hindi: <i>H.K. Liansawta</i>	₹ 300/-
18. Zo Nun Thlirna: <i>C.L. Dinga</i>	₹ 140/-
19. Sulhnu Vol-1: <i>Lalhruaituanga Ralte</i>	₹ 300/-
20. Mizo Spy Rurate: <i>C. Vanlalpana</i>	₹ 150/-
21. Mizoram GK Mini Edition 10 : <i>Lalhmachhuana Zofa</i>	₹ 100/-

**SAWMNA**

October 18-20, 2024-a Masihi Sangati Convention vawi 33-na, Saitual Kohhran Biak Ina neih turah hmun hrang hranga Masihi Sangati Fellowship-te lo tel vek tur leh Area chungang ringlote a tam thei ang ber hruai khawm turin kan inngen a, kohhran hote min tawngtaipui tur leh min rawn tawiwam turin kan sawm a che u.

Rev. R. Lalhminganga  
Secretary  
Synod Mission Board

